

OFFERYNNAU STATUDOL CYMRU

**2009 Rhif 2880 (Cy.253)**

**BWYD, CYMRU**

**Rheoliadau Labelu Bwyd (Datgan Alergenau) (Cymru) 2009**

<i>Gwnaed</i>	- - - -	27 Hydref 2009
<i>Gosodwyd gerbron Cynulliad</i>		
<i>Cenedlaethol Cymru</i>	- -	29 Hydref 2009
<i>Yn dod i rym</i>	- -	20 Tachwedd 2009

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd gan adrannau 16(1)(e), 17(1), (26)(1)(a) a 48(1) o Ddeddf Diogelwch Bwyd 1990(1).

Yn unol ag adran 48(4A) o'r Ddeddf honno, maent wedi rhoi sylw i gyngor perthnasol a roddwyd gan yr Asiantaeth Safonau Bwyd.

Fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor, sy'n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd(2), cafwyd ymgynghori cyhoeddus agored a thryloyw yn ystod y cyfnod yr oedd y Rheoliadau hyn yn cael eu llunio a'u gwerthuso.

**Enwi, cychwyn a chymhwyso**

1.—(1) Enw'r Rheoliadau hyn yw Rheoliadau Labelu Bwyd (Datgan Alergenau) (Cymru) 2009 a deuant i rym ar 20 Tachwedd 2009.

(2) Mae'r Rheoliadau hyn yn gymwys o ran Cymru.

(1) 1990 p.16. Amnewidiwyd adran 1(1) a (2) (y diffiniad o "food") gan O.S. 2004/2900. Diwygiwyd adrannau 17 a 48 gan baragraffau 12 a 21, yn ôl eu trefn, o Atodlen 5 i Ddeddf Safonau Bwyd 1999 (p.28), ("Deddf 1999"). Diwygiwyd adran 48 hefyd gan O.S. 2004/2990.

Mae'r swyddogaethau a oedd gynt yn arferadwy gan "the Ministers" (sef, o ran Cymru a Lloegr ac yn gweithredu ar y cyd, y Gweinidog Amaethyddiaeth, Pysgodfeydd a Bwyd a'r Ysgrifenyddion Gwladol a oedd, yn ôl eu trefn, yn ymwneud â bwyd ac iechyd yng Nghymru, ag iechyd yn Lloegr ac, o ran yr Alban, yr Ysgrifennydd Gwladol) yn arferadwy bellach yn Lloegr gan yr Ysgrifennydd Gwladol yn unol â pharagraff 8 o Atodlen 5 i Ddeddf 1999. Cafodd swyddogaethau "the Ministers", i'r graddau yr oeddent yn arferadwy o ran Cymru, eu trosglwyddo i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) fel y'i darllenir gydag adran 40(3) o Ddeddf 1999, a'u trosglwyddo wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p.32). Cafodd y swyddogaethau hynny, i'r graddau yr oeddent yn arferadwy o ran yr Alban, eu trosglwyddo i Weinidogion yr Alban gan adran 53 o Ddeddf yr Alban 1998 (p.46) fel y'i darllenir gydag adran 40(2) o Ddeddf 1999.

(2) OJ Rhif L31, 1.2.2002, t.1. Diwygiwyd y Rheoliad hwnnw ddiwethaf gan Reoliad y Comisiwn (EC) Rhif 596/2009 Senedd Ewrop a'r Cyngor yn addasu nifer o offerynnau, sy'n ddarostyngedig i'r weithdrefn y cyfeirir ati yn Erthygl 251 o'r Cytuniad, yn ôl Penderfyniad y Cyngor 1999/468 mewn perthynas â'r weithdrefn reoleiddiol gyda chraffu: Addasiad yn ôl y weithdrefn reoleiddiol gyda chraffu— Rhan Pedwar (OJ Rhif L188, 18.7.2009, t.14).

## Diwygio Rheoliadau Labelu Bwyd 1996

- 2.—(1) Mae Rheoliadau Labelu Bwyd 1996(3) wedi'u diwygio'n unol â pharagraff (2).
- (2) Yn rheoliad 50 (darpariaeth drosiannol), yn lle paragraff (15) rhodder y canlynol—
- “(15) In any proceedings for an offence under regulation 44(1)(a) it is a defence to prove that—
- (a) in the case of—
    - (i) wine in which lysozyme is used, or in which albumin (produced from egg) or a milk (casein) product has been used as a fining agent, the food concerned was sold before 31 December 2010 or marked or labelled before that date, or
    - (ii) any other food, the food concerned was sold before 31 May 2009 or marked or labelled before that date; and
  - (b) the matters constituting the alleged offence would not have constituted an offence under these Regulations if the amendments made by regulation 2 of the Food Labelling (Declaration of Allergens) (Wales) Regulations 2009(4) had not been in operation when the food was sold.”.

## Dirymu

3. Mae rheoliad 2(6) o Reoliadau Labelu Bwyd (Datgan Alergenau) (Cymru) 2008(5) wedi ei ddirymu.

27 Hydref 2009

*Gwenda Thomas*  
Y Dirprwy Weinidog dros Wasanaethau  
Cymdeithasol, o dan awdurdod y Gweinidog  
dros Iechyd a Gwasanaethau Cymdeithasol, un o  
Weinidogion Cymru

---

(3) [O.S. 1996/1499](#), fel y'i diwygiwyd ddiwethaf gan [O.S. 2008/1268 \(Cy.128\)](#). Mewnosodwyd rheoliadau 13(8)(c) a 34B a'r Atodlen gysylltiedig, sef Atodlen AA1, gan [O.S. 2004/3022 \(Cy.261\)](#). Diwygiwyd Rheoliad 34B gan [O.S. 2005/2835 \(Cy.200\)](#); Diwygiwyd Atodlen AA1 gan [O.S. 2007/3379 \(Cy.301\)](#) a chan [O.S. 2008/1268 \(Cy.128\)](#). Mewnosodwyd paragraff (13) o reoliad 50 gan [O.S. 2005/1309 \(Cy.91\)](#), paragraff (14) o'r rheoliad hwnnw gan [O.S. 2007/3379 \(Cy.301\)](#) a pharagraff (15) o'r rheoliad hwnnw gan [O.S. 2008/1268 \(Cy.128\)](#).

(4) [O.S. 2009/2880 \(Cy.253\)](#).

(5) [O.S. 2008/1268 \(Cy.128\)](#).

---

## EXPLANATORY NOTE

*(Nid yw'r nodyn hwn yn rhan o'r Rheoliadau)*

**1.** Mae'r Rheoliadau hyn yn diwygio ymhellach Reoliadau Labelu Bwyd 1996 (“y prif Reoliadau”) i'r graddau y maent yn gymwys o ran Cymru. Mae'r prif Reoliadau yn rhychwantu Prydain Fawr gyfan.

**2.** Mae'r Rheoliadau hyn yn gweithredu yng Nghymru y diwygiad a wnaed i Gyfarwyddeb 2007/68/EC (OJ Rhif L310, 28.11.2007, t.11) gan Reoliad y Comisiwn Rhif 415/2009//EC (OJ Rhif L125, 21.05.2009, t.52). Mae'r Gyfarwyddeb hon ei hun yn diwygio Atodiad IIIa i Gyfarwyddeb 2000/13/EC Senedd Ewrop a'r Cyngor o ran cynhwysion bwyd penodol (OJ Rhif L109, 6.5.2000, t.29). Y cynhwysion o dan sylw yw'r rhai sy'n debyg o achosi adwaith alergaidd mewn rhai defnyddwyr.

**3.** Mae'r Rheoliadau yn diwygio'r prif Reoliadau o ran y gofynion labelu ar gyfer bwydydd sy'n cynnwys cynhwysion alergenig, gan gynnwys esemptiadau labelu ar gyfer ffurfiau penodol ar y cynhwysion hynny, a'r rheini'n ffurfiau a broseswyd, drwy estyn o 31 Mai 2009 i 31 Rhagfyr 2010 y cyfnod trosiannol ar gyfer defnyddio lysosym sy'n deillio o wyau ac ar gyfer albwmin (a gynhyrchwyd o wyau) neu gynhyrchion llaeth (casein) fel asiantau diwaddodi mewn gwin ar gyfer gwinoedd sy'n cael eu marcio, eu labelu neu eu gwerthu cyn y dyddiad hwnnw.